

宋詩紀事補遺

宋詩紀事補遺卷之四十三

歸安陸心源伯剛文選

劉度

字次襄

案原有之
長興人不同

過蘭亭書堂

蘭亭擬金谷逸少比季倫史臣作此語無異屠沽人
君看蘭亭墨歲久迹豈陳當時本嬉戲後世乃見珍
我行適春暮及此禊飲辰墨池奏環玦書堂暗松筠
堂中有遺像儼坐遺冠巾情知金堂仙可望不可親
物色倘見之欲去猶逡巡

蘭亭考
卷十

薛抗

字端尙毘陵人紹興十五年進士

縣圃十絕和朱待制

春花弄晴風畫簾垂永日公退臥黃紬放衙頭懶出
斗牛不能神梟盧無好采碌碌甘抱鬪誰能媚時宰
二亭歸然立紫微爲題顏朝暉射銀鈎偉觀厭海山
訟牒如蜂房未易談笑理却思買扁舟歸釣荆谿水
我無割雞刀乃當萬家縣飛蝗不入境感謝年穀賤
五斗雖甚微偃鼠飲滿腹大書歸來賦有味數讀過
焚香坐清晝此心自如如我知拙惟科考甘下下書

桐鄉文章伯我欲執鞭從明堂選擎天雲壑卧老松
壽親髮斑斑綵服老萊戲欲賦招隱詩小山念松桂

援琴鼓流水絃絕無知音爲語逐臭夫蘭芷生深林

天台別編

石嶺

字子重號克齋臨海人紹興十五年進士乾道
間知尤溪縣去任民繪像祠之歷官將作監主
簿終朝散郎知南康軍見赤城志

遊北山

春色着人如酒濃我來却值雨蒙濛千巖磊落風塵

表萬卉參差罨畫中游子三三仍五五落花白白更
紅紅須知滿目皆眞理面壁何勞學苦空

章安祥符寺御坐

章安古縣治湫隘仍囂塵何爲金玉輿下游江海濱
姦臣肆欺誕明主懷憂勤禍亂防未然斯言可書紳

天台一
別編

葉儀鳳

字子儀侯官人紹興十五年進士厯漳州軍教
授著有左氏連珠八卷見袁本讀書志

邵武

溪上千峯碧玉環瞰溪臺樹紫雲間鳥啼花落非人世似石金鼈在上山

又

城南城北草如茵綠水青山眼界新更問樵溪何處是滿城桃李萬家春

輿地紀勝

鄭伯熊

厲有

黃巖縣樓

飛甍鬱嶧嶧萬併交錯綜俯仰各有則靜以御羣動平時心匠微斤斧袖不用少施見其餘規畫已驚眾姬公昔營洛道德作梁棟東家有餘材鳳衰無復夢

帝方議明堂行矣與君共

清畏軒

樹蕙餘百畝藝蘭當路岐清風一披拂香氣無不之
紉爲楚纍佩辱我幽靚姿小草生澗底雨露無恩私
不入兒女玩歲晚得自持所以古君子清德畏人知

過萬年山望羅漢嶺上大松

蒼髯白甲老煙雲萬木叢中獨挺身一柱擎天須此
物執柯它日屬何人天台別編

鄭丙

福建長樂人紹興十五年進士新城縣主簿

碧玉軒

長安回首遠如天解榻祇園百病痊身世本來如寄
爾佛僧同住更悠然簞箒千个不受暑巖桂一枝或
自妍長與高人伴幽獨粥魚齋鼓度流年

新城志

張滉

四川綿竹人浚兄紹興十五年右朝奉郎直徽
猷閣權發遣永州軍州事

留題淡山

偷閑切欲訪巖扃恍若桃源洞裏春平世自無憂國
事徘徊愁見避秦人

昔周處士避秦岩中

天然一穴透融光廣濶能容萬頃篁翻念塵寰苦炎
熱人人付與一襟涼

零陵縣志金石

陳祖安

紹興十五年知華亭縣

湖光亭

月直金波澈灑此去水仙不遠霜重夜風清骨冷口
口口口誰見誰見醉眼參橫斗轉

嘉禾志

鄒宗贊

字次魏臨川人文辭古雅孫覲弟子見尚書大
全紹興十六年卒年四十二

讀山谷文

遠繼杜參謀近追蘇玉局

孫尚書大全集卷十六

王聞

字無功究心禪學紹興十六年沐浴更衣趺坐

而化

在京思故國見鄉人問訊

旅泊多年歲志去不知回忽逢門外客道發故鄉來
斂眉俱握手破涕共銜杯慙懃訪朋舊屈指問童孩
衰宗多弟姪昔箇賞池臺舊園今在否新樹已應栽
柳行疎密布茅齋寬窄裁經移何處竹別種幾枝梅

渠當無絕水石計總生苔院果誰先熟林花那更開
羈心祇欲問爲報不須猜行當驅下澤去剪故田菜
宋詩拾遺

石延慶

字光錫新昌人紹興進士舊名襲高宗賜今名
任容州司理明州教授中博學鴻詞科紹興十
七年以朝散郎添差通判台州

留題桐柏石道師妙堂次韻曾史君

一狐奔湍響迅雷噴雲翻雪繞瓊臺應通天上銀潢
路準擬乘槎八月來

題鑑軒

一軒曾以鑑爲名軒下方池徹底清坐客不須頻拂拭主人猶恐太分明一座不染元無物萬象俱涵豈有情堪笑越湖三百里等閑風浪不曾平刻錄

胡元質

字長文長洲人紹興十八年進士厯秘書省正字給事中出守當塗建業成都皆有政迹以正奉大夫數文閣學士致仕吳郡志

吳江懷古

子胥今日委東流吳國明朝亦古邱大笑夫差諱將

相更無人解守蘇州

吳郡文粹續集

蕭蕭

江西吉水人紹興十八年進士

峽山寺

鐘聲出峽口塔影落潭心

輿地紀勝

糜師旦

字周卿平江人紹興十八年進士歷高郵西安
二縣尉通州衙州南康軍三郡教授淳熙中授
宣教郎知富陽縣累官御史臺主簿祕書郎紹
熙五年知秀州慶元中尚書左司郎中官至顯

謨閣學士

妙庭觀

不尋銅鼎不求丹從許琉璃碎舊盤阿母堂前幾春
夢耳邊猶聽玉笙寒富陽志

張恪

字季武江山人紹興十八年進士以文學知名
終著作郎

安定山

常懷玉壘李謫仙精神浩瀚游八表頂摩蒼天弄白
日方丈蓬萊思清矯吾鄉夙號山水邦榮青繚白襟

蒼縹人間要自有佳趣何必東瞰扶桑曉哭星騎石
凌飛鳥何獨此山名未耀無乃潛德避喧擾定是壺
中小有天眾星未易立談了物之顯晦固有數巧厯
豈能窮忽杪我聞雁岩古來無山經不載事沉杳後
世奇祕始發見游人足迹竟盤繞九華妙觀人未覩
劉郎當時眼偏瞭固知有物必有遇此理甚明非浩
渺豈惟安定名不腐自覺劉郎才力少我詩那能爲
重輕九鼎借助鴻毛小羣豪自可繼唐賢聯名况有

詩僧皎

江山縣志

黃本仁

字延任光澤人紹興十八年進士厯守真化雷

二州

七臺山

登陟最高頂四圍山盡低星辰可手掬杉檜與天齊
只覺風生腋恍如雲作梯何當謝塵事來此共幽棲

邵武府志

尤袤

厲有

台州郡圃雜詠

參雲亭

昔賢已跨鶴故迹餘參雲舊德慨云遠千霄氣仍存

青山宿霧倦喬木蒼烟昏尚想來游處笙簫中夜聞
雙蠟堂

兩巘鬱青蒼中有堂突兀回廊外環繞脩竹布行列
懸崖上幽徑窺壁見餘碣面牆誰所築除去礙膺物

玉霄亭

青山圍郡城東望獨空遠蒼茫溟海近想像蓬萊淺
朝光上遺堞雲氣接虛巘羨門與安期鸞鶴若在眼

清平閣

舉世溷濁中誰當清見底崎嶇太行道誰貴平如砥
安得□□美如此一池水悠悠小閣□視水如此理

霞起堂

□□赤城山霞色起夜半建標自古□□□羨吟覩
隱人□□□手若可喚形光射胸臆三疊骨自換

台州四詩

三日霏霖已渺漫未晴三日又言乾從來說道天難
做天到台州分外難

百病瘡痍費撫摩官洪仍愧拙催科自憐鞅掌成何
事贏得霜毛一倍多

多病多愁老使君不憂風雨不憂貧三年不識東湖
面枉與東湖作主人

兩載終更過七旬今朝方始是閑身細看壁上題名
記六十年間只五人

寄林景思

臨海睽離七度春都城想見話悲辛蒼顏白髮渾非
舊短句長篇邦有神一第蹉跎真可歎半生奔走坐
長貧老懷先自難爲別相識如君更幾人

案以上各詩梁溪遺稿失收

天台別編

題雲海亭

亭前山色繞危欄亭下波濤直浸山波上漁舟亭上
客相看渾在畫圖間

毗陵志

陳光

字世德永春州人紹興十八年進士

和朱晦翁作

去年渭北望卿頻今日深山屐齒新珠樹香沾千澗
雨蓮峯翠滴四時春漁郎有意休相問樵子無心可
與親石榻盤旋忘歲月瓶罍羞罄故人貧永春
州志

季南壽

字元衡括蒼龍泉人汪應辰榜進士婺州教授
紹興十八年中博學鴻詞科除校書郎爲考功
員外郎擢禮部侍郎請祠除直祕閣守新安知

簡州道州徒守眉陽進直顯謨閣致仕

涪溪集

我以銅符吏營浦闢古刺史元最賢

輿地紀勝

蹇駒

鹽亭人紹興十八年進士官雅州守

四川通志

上清宮

連山橫截展一臂口爲障斷西南夷

輿地紀勝

張公尚

字思齋無錫人紹興十八年特奏名進士官和

州助教

拜和州助教賦四十字

老未脫場屋揆才無寸長九重雖射策一命不爲郎
尙喜彩仍綠仍憐牒是黃活人何不可政自有良方

清波

雜著

葉

衡

厲有

崑山呂正之三男子連中神童科蓋奇事也
因次嚴別駕韻

三秀標姿穎不凡姓名聯列紫微間已知鳳穴梧棲
穩誰謂鵬程雲路艱孔釋當年親抱送由莊逸駕定
追攀發揮更有文章伯高壓淮南大小山

吳都文
粹續集

蔣
離

字元肅仙遊人紹興二十年進士授泉州教授
知江陰軍轉知通州將除贛州爲執政所沮遂
退居于樸鄉著有樸齋文稿三十卷

龍華寺

前有玉帶溝

入寺門圍玉帶水

杜思旦

紹興十九年知仙居縣二十二五年右奉議郎浙
西提舉權提刑兼知常州

蒼嶺

人云蜀道苦難行我到雲間兩脚輕山險不如心險
否心千履險險須平

仙居縣志

陳興

字浪顛義甯州人紹興二十年進士

浮橋

千尋鐵綰蒼龍骨七十舟橫赤雁行來往潭鄰灑平
地渡頭無復立斜陽

義甯州志

沈希尹

溫州瑞安人紹興二十一年進士官德化令

高士峯

淡淡梨花寂寂春一聲啼鳥隔花聞高峯影轉金鶴
月渤海晴橫碧嶠空

瑞安縣志

廖挺

南劍人紹興二十一年進士乾道初建昌軍學
教授

雙溪閣

餘波下作雙溪水祇欠休文入詠樓

輿地紀勝

李占

資州人紹興二十一年進士

賈司倉祠

爲詩直欲無前古留骨如今錮一山富貴當年人曷
在只君詩價滿人間

輿地紀勝

任三傑

奉化人紹興二十一年進士厯知福清縣通判

靖州

姜山

天風吹我登姜山前巖後巖相對間已從積雨得深
澗更趁浮雲同往還世外空青覆茅屋屋外涼風吹
紫竹挂冠何日賦歸來煮石篝燈洞中宿

宋詩拾遺

周因

字孟覺吉州安福人紹興二十一年進士歷官楊州主簿雄州德安府教授象州來賓婺州永康贛州雩都縣令終通判邵州轉朝奉郎有文

集二十卷

句

一網多收泮水英

見周益公集

劉知過

厲有

題國清寺

周益公集墓誌銘爲德安府教授增弟子員講授切磋士氣復振乙酉秋試預荐者四皆學職也君送以詩云云其後李松齡遂擢第一甲子之天荒君之力也

野人遊偏天台寺究竟招提此最奇十里遠排清陰
入五峯如按畫圖窺隋初便有高僧傳火後都亡過
客詩重到定知非遠約岸巾高處立多時

天台別編

徐大受

字季可又字元章號竹谿臨海人紹興二十二
年進士終四川制置使幹官見赤城志

方外詩友機空二禪婁蓮峯五月梅雨深
林叢薄中斐羅花特異每以未見爲恨夏
初過此而橋東是花豫開豈應真大士出
此以相勞耶

九葩一萼鶴翎紅開落梅黃煙雨中千葉青蓮無路
到不知春在石橋東

入萬年謁簡菴清老追和曾使君詩板韻

踏破深崖蒼石稜人峯來謁簡菴清山花照座一兩
點雪犹叫雲三四聲詩帶烟霞藏舊刻門開樓閣見
經行平原淺草歸時路風月依然度百城

天台別編

鄭康佐

英德人紹興二十一年左朝奉郎權知惠州見

唐子西人跋父總與唐子西友善

羅浮

泰華端培壟羅浮霄漢鄰俯視雲烟飛冠蓋摩星辰
凝神想至道窈窕難具陳未究訪安期竝立空逡巡

卓錫泉

大士西方來誅茆老幽麓振錫風雲上飛泉湧山腹
一泓自清甘千里田疇足源深而流長何必貴川瀆

蓬萊閣

獨占林泉勝金碧耀青冥凭欄俯八極縹紗降玉京
羣仙日往還簫韶聞九成鸞鳳爲君導恍然遊蓬瀛

鐵橋

青蜺跨兩山龍鳳互撑拄韻頽來雙鳬孰云通步武

壺中杳靄間遐想神仙侶夢錫九霞丹翩翩遊紫府

水簾洞

仙人開碧戶玉溜瀉潺淙飛流散珠璣灑落隨天風
三伏不知暑有如水晶宮平生邱壑性歌嘯翠微中

石樓

危樓橫碧漢隱約山之顛下窺滄海大宇宙相連延
天風吹寒水恍惚遊飛仙飄飄吹凌虛還爲塵俗牽

夜樂池

清籟起虛壑笙竽驚夜眠音調自諧暢恍如奏鈞天
眞天聚臨賞鸞鶴舞蹁躚凌晨日杲杲濯纓弄潺湲

鄺仙騎牛石

橫笛騎青牛巖扉自開闢倏然乘風馭雲收煙滅迹
真人不可見空遺舊泉石我來獨徘徊日暮千山碧

葛仙祠

乘雲朝太清烟霞鎖故宅逍遙十洲上遂與人寰隔
泉石獨泠泠遺龜粲朱碧欲追汗漫遊安得生羽翮

黃野人菴

至人隱洞天蒼苔滿澗石長嘯響空巖咫尺雲霧隔
白鶴未歸來何以慰晨夕流泉自涓涓秋宵山月白

白雲菴謁先君寺丞詩

清癯野鶴姿問道羽衣客白雲濯飛泉青霞窺裂石

閒猿嘯清曉藥鳥鳴日夕幽人不可見百拜訪遺跡

以上與
詩鬼遺

彭 郁

字文蔚號鄉山漫叟廬陵人紹興二十二年解

試著韓文外抄八卷

題萬壑風烟亭百韻

郡丞趙景安新建

風在不周山空闊底事同烟訪兩浙烟生廬阜香爐
峯孰使隨風至吳越風乎與烟相得外還有風雷并
雨雪烟兮與風相好餘仍有烟波及霞月誰知此處

一萬壑祇樂風烟餘不說
括蒼攬天三百里熊熊魂
魂迷嶺峽蓋竹騰空一千丈洩洩熒熒蜚峯掣洪濛
霧氣蕩歸鴻溟湏嵐岑感回鷺前岑不陣有旌旆後
岫無人何幕峦薄霏冷逼盧橘秋薄挹輕縵礲硯
飄颻遙觸楊梅塞細擗新綿摩崕帆望海尖頭培塿
細盤匝瓊瑤高拋繢恰幘巾邊花草薦發博旛檀飄
馥苾劉晨長嘯出天台填填浩氣陵寒憲王母馳車
返元圃纊纊羽旆揮斜日雙岩瑞巖挿雲漢寒巖冷
熱紛膠葛大固小固並闔闢碧瓦青炊浮巖巖黃岩
洞裏石老人曬被兵編資颶颶白鶴山頂丁令威清

音嘹唳渾颺玉帝盤桓石臯宮鬱葱佳氣浮山悅
天王宿留墉外岫羽儀仙隊揮天闕長河匹練耀白
帝鉅浸杯醪飲紅霓永慶憑陵睥睨寒蒼狗白衣勢
自刮護郭崢嶸星斗爛霧髻雲鬟誰指結雲濛遠巘
尖高低雲渡石湖驚沒滅徑山氣接日山寒翠谷香
浮雲谷薛東門皎峻露觚棱天竺黃高彌突兀玉宇
蛾眉簾洗鬢木天石佛掌封鐫千家嶼逼水雲廊木
屐山陵闔闔臬般若臺高迷遠近溫涼座上清飄撤
吹開越嶂萬機綿颶落吳江千樹纈九層臺外遞韶
音萬年枝上光搖樾或踰遠漢龍岝崿或跨長空冒

一
听屹或邀濃霧迨晨晴或尼清氛當日映或隨小雨
晦青冥或佐狂籤黯搖醉或昏溪洞晚方散或蔽雲
筌朝便別或過千山凝古樹或經四野留衰柳或栖
江上寒竹稍或泊野外荒蕪末或伴遊絲春風飄或
侷涼薰夏朝趨或時避舍秋雨空或閒回車冬日嚴
或穿楊柳絲線亂或度浮圖鈴索掣或牽空裏青紙
薦或蕩郊中黑風吼或經花徑殘紅隕或入松林濃
濶机或厯江湖諸艦舫激揚帆幔搖竿槳或到遐邇
諸精舍增光金碧運銅鐵或似漢主憇芒碭漫空霧
靄凌雲闕或如唐帝幸驪山燦爛旗常雜青赤或似

地仙列禦寇携筇御風乘颯飈或似雷部謝仙火亘
天電焰揮霹靂或似遊月訪姮娥仙樂八方吹遠闊
或如焚野覓功臣燼氣四餘光倏忽或似洞庭百丈
檣自西自東隨意屑或如嵒嵐三尺地不燧不鑽常
饑奚或似魯國焚咸丘助張狂吹勢難猝或如公瑾
戰赤壁虎嘯波狂那得熄或似牧兒爇秦陵猛火照
天三月熱嗟余真有山水癖每遇亭臺須訪謁丹邱
僅過元宵火便問登臨求快適節愛堂寬稱起居揖
夾亭涼清與笑玉霄欄畔憶仙遊望海亭邊思水活
擋前放目四極遠波泛玉虹汎莫歇芬蓮香吹滿堂

閣廣軒梅峽紀碑碣知樂流杯亦婁遊翠屏疎嘯時
排闥暨被城南韋與杜亭臺軒檻俱窮厯或誇小景
怡情性或詫巧營煥朱碧或因沮洳穿池沼或取參
簪排一列或取燕間扇美名或思德政存前述橐籥
輔寬風浩渺天地爐紅烟蓊鬱禾委眼前諸勝賞風
烟比較誰優劣奇哉倅廨復山亭地不百容天路越
壑多聊以十千數幾許風烟難盡揭鑿池不知今幾
年賢哲治中凡幾物怪底勝藏俱不知知亦詎能營
雅筆趙君眼力高夐古纔得基堵榛卽掘嵒扁萬壑
歸指顧廳靄彌空攢屏攝赤城千里諸勝遊從此期

亭爲巨擘謝守城頭顏自汗輞川降旗應高沒余將
會稽問夏禹封嵎可得專車骨玉帛幾時來萬邦俟
甸云何分五百亦將東洋問大士象教何時啟禪律
雙塔已多諸佛機雁蕩又何有僧客亦將甬東問句
踐當日如何興霸烈還君會雪臣妾羞千載英雄光
史筆且生且教俱十年熟云外物人難必亦將海上
問羲和日昇陽谷嵎夷宅月何與日時相望日何與
月時令璧寅賓平秩順時四璿璣玉衡齊政七四隅
蒼生感不冒則天惟有堯能敵婺女柯山日月長白
黑圍棊窮理窟潮頭隱約子胥魂夫差可見無心術

王喬跨鶴水中島丹砂九轉成靈粒楊妃隱迹海上

山方士時間登闌闕對景思人人不見風煙却羨常
陞涉枝上吸風蟬不飢室裏食烟颺費力細思眼界
兩么麼俯仰屈伸誠有得蓬萊閣爲亭作兄柏梁臺
爲亭作伯騷人憑欄無一事滌硯濡毫姿思索酒客
登階無所爲絜榼携壺忙遙揖水仙海若儻俱來任
自亭前說玄極惟予椎魯無寸長祇聽瞽欵東君側

天台別編

陳景肅

字和仲漳浦人紹興二十一年進士師事高登

有學行令仙遊多美政累官河南提舉知南恩
州知制誥卒贈光祿大夫資政殿大學工謚廉
獻著有石屏拮翠集若干卷

試劙石

將軍大寶劙磨久蒼崖斑一日試利及斷石倚兩山
倒枕泉水碧生光斗牛丹至今胡虜過目顧骨先寒
懷高東溪二首

鑿泉莫太深太深井難汲登山莫太高太高頂難立
山頂仰可觀井淵俯可挹那知鴻鵠飛梅杏無消息

其二

謌謌東溪士吹簫澗谷春一別阻雲水相思勞夢魂
五湖秋夜月三島春空雲璣標月夜見玉唾雲閒聞
何當一返駕吟弄終乾坤

漳浦縣志

宋詩紀事補遺卷四十三終 男內閣中書樹屏校

宋詩紀事補遺卷之四十四

歸安陸心源伯剛父輯

何異厲有

浮石山莊

天巧不易覩
覩巧不難著
狐裘或反衣
鑄鐵真成錯
此亭對此石
層層水初落
憑高得其要
他景皆可照
蒼波繞廬阜
白浪縈衡霍
魚龍出變怪
鱗蟹紛擎攫
初疑海上來
根株相連絡
又疑泗濱渡
清澗可磨琢
水石兩奇特
賓主一笑樂
猶想峴山亭
清名與山託

高峰山

快登十里壇望極千里眼天近風轉清地高日難晚
禽聲自圓熟山色真平遠再來除荆棘踏月歸路穩

安源院

施田樂貳卿讀書吳吏部石跡猶可尋青山亦如故
春深笋蕨香歲熟倉箱富坐久遂忘歸更問鍾山路

鍾山寺

貳卿追綠野一壑飽清泉詩到永嘉上山如靈隱前
生涯歸古寺遺照對枯禪二百餘年話來同三月天

大華山

地靈推寶蓋奇崛跨三州帝座聯樞極星纏值斗牛

江南誇絕勝仙伯揖浮邱舊觀依山腳崇壇冠嶺頭
懷哉二真意特地一時留爭謂神丹熟誰知瑞氣浮
妄傳異人氣遽遣老臣收雲外嘗交戰風前枉運籌
利鋒皆瓦礫勇銳失貔貅斂幟驚逋伏還兵敢逗遛
桂司歸內府芝檢動前旒遺鏹磬牙細經灘馬蹟稠
一承丹鳳詔雙擁翠雲裘功滿三千行神參八極遊
後先鸞與鶴乘跨虎兼虬仙樂宣新響文枰化故楸
元壇開豁敞紫洞鎮深幽雞黍餘空竇龍投按舊湫
斬妖留血樹化石望仙舟鵝垍晴飛雪茶凹暑挾秋
退心披峻嶺淨手掬寒流石銳矛頭似山長劍脊侔

路危行九曲臺險過三休靈藥從人乞薰爐足意謀
三廬騰瑞相五嶽記眞遊雷電歸驅使雲天托庇麻
遺蹤難紀載著句欠旁搜四萬八千歲五城十二樓
近疑連絳闕遠想接蒼洲招隱仙翁意吾簪此可投

以
上江
西詩徵

玉笥山鄧仙

有懷齋月光風度出宰青山綠水鄉羽檄交馳公事
了一鋪真畫一爐香輿地
紀勝

甄龍友

厲有

挽薛艮齋

驥不由窮巷龍曾演瑞圖衣傳袁道潔夢接邵堯夫
四十年全未三千行豈無飄然向太速愁殺莫生芻
士龍不應科詔好周易學

贈別文章妙分攜六見秋眞書藏相府循吏說湖州
不作三公入同誰八極遊朔風吹壯淚應滿蘋池頭
士龍有送龍友赴西外宗教序今留梁丞相府

有子才而美知君死不亡刀圭徒有驗兵法豈無妨
玉樹新埋沒金丹舊渺茫魂兮來止些極樂在西方
士龍深於內樂復嗜談兵亦知佛法云薛浪語集

程如

開化人紹興二十四年進士

答誠齋

衡門時反關一室甘郤掃文墨脫粉總書林悉論討
闡然未足意清矣濯懷抱揮灑烏絲新浸濡黃卷好
後來應手摹前輩休腹稿君意不期知予心以爲寶
見宏治開化縣志

梁安世

厲有

留守參政大資范公余同年口口往歲帥桂林題刻最多四方傳之暇日當與同寮徧觀因卽公所名曰口觀題數語

宣政喜邊功，隆兒築州縣。
公自名巖刻石記所建，
得旣不賞費。中興棄不繕，誕謾磨崖辭。
當日妄誇術英英，石湖仙改作壺天觀。
壁間三大字，莊重如峩弁。
詩文鸞鶴音，筆勢龍蛇變。
登高瞰洞戶，灘水澄如練。
勝槩聳靈臺，遐觀起三歎。
玲瓏二十四妙墨，鑄題徧我來。
爲拂塵端若侍顏面，邦人頌遺愛。
壽骨癯且健，今坐玉麟堂。
安得使之見廣西通志
金石

張相公祠

五湖烟浪渺難尋，有豫區區欲鑄金。
試問鐵胎身後事，坐如羽扇用時心。
輿地紀勝

桂林

列城二十五去國一百舍西夷巒穴通南島鯨波駕
李長庚

字子西宦遠人紹興二十四年進士仕至朝議
大夫著有冰壺集

懷陳士湧鄧伯元

陽華近士里不到十餘年乃知聲名鎖能障山水緣
今日與鄰曲勝遊追漱川瘦藤穿犖角一葉弄潺湲
巖局隱翠門梵宇浮青蓮一笑躡飛虹毛骨清欲仙
婆娑寶纓絡放浪玉壺天曲肱臥盤石漱耳聽流泉

片雲飛雨來更秋覺凜然酒盡合歸去千林昏暝烟

招陶別駕家陽華巖

海內厭兵革騷騷二十年陽華洞中人似不知亂焉
誰能家此地終老可自全草堂皆巖洞幾峰軒戶前
清渠帀庭堂出門仍灌田半巖盤石徑高亭臨極巔
引望見何處逶迤隴北川松幾萬萬枝蒼蒼滿前山
巖高暖陽華飛溜何潺潺洞深迷遠近但覺多澗淵
晝夜興未盡日暮不欲眠探奇餘洞水久獨不忍然
無何畢婚嫁竟爲俗務牽

自寧遠來遊陽華

沿巖渡水六七里。劃見幽居畫屏倚郤躡長江。信步行下瞰清流。皆腳底漫郎泉石之董狐。妙語品題良不誣。千巖萬壑果何似。吾家九疑誠不如。

約鄧致道遊陽華

我來挈挈倦塵沙。下馬無心更憶家。不願客中逢熟食。只知醉裏是生涯。花間頓覺春光老。柳外還驚日脚斜。甚欲與君尋勝去。何妨策杖到陽華。

遊陽華

遙指澹山如削瓜。碧雲一朶是陽華。莫言古洞中無物。須信嶄峴下可家。細聽泉聲響環珮。更看山色媚

烟霞一邱一壑平生事不覺歸筆聽晚鴉

同鄧伯元陳士湻游陽華

說著幽巖意已清那堪地近一牛鳴座榮俗累不容
到君見山靈須寄聲

陽華山水自雙清況弄朱絃金石鳴我是行人那敢
聽恐翻別調作離聲

雲水光中清更清從他山寺曉鐘鳴滿船載月空來
好一笛穿雲裂石聲

蔣助教招飲陽華巖

春風今日扇陽和觸目江山發興多如畫幽巖無十

里輕衫短帽得婆娑

偶尋山徑到陽華碧玉玲瓏正可家近想舊遊如夢
嬉摩挲石壁但咨嗟

我識陽華十六年當時面目故依然清泉白石都無
恙皓髮蒼顏只自憐

巖下留連且盡歡不知紅日半銜山歸時林壑風烟
暝賴有昏鴉相伴還

同令尹張濟之遊獅子巖晚次陽華

朝遊獅子晚陽華飫水尋山樂匪涯野鶴沙鷗慣看
客一雙對立渡頭沙

到此令人憶漫郎
筆端妙語發天藏
泉聲漱玉生秋思
不減湖中五月涼

雨餘山色媚晴暉
無事孤雲自在飛
坐到黃昏猶不惡
載將明月滿船歸

以上沅湘
舊傳

李知已

字智仲
徽州婺源人
紹興二十四年進士通判
婺州累官大理丞
大宗正丞
都官郎

題靈巖洞

三巖九洞絕塵寰
問訊真人得縱觀
丹就已乘仙鶴
去雲深元有老龍蟠
鐵船泛海源流遠
玉柱擎天星

斗寒劈破莓苔認詩句欲歸傳作畫圖看

徽州府志

范端臣

厲有

秀野亭二首

乞得天公五畝春暫拋手板着綸巾攀花露粉頻沾
袖洗竹山光忽傍人金點流鶯田暉暉雪翹幽鷺水
粼粼尊前無地棲榮辱秀野亭中自在身

不敢尋詩怕雨催須知挈榼爲春來天公未放陽烏
出坐客何妨笑臉開寒食花光猶照眼亂山雲氣欲
侵罍黃昏數點池南雨似惜香塵逐馬回

半山亭

窮窪轉岩腹劃然見孤亭橫分樹蠹蠹枕下溪泠泠
日暮人跡絕猶聞樵斧聲

藏春園

園徑蕭條草樹荒半山林影淨回塘牆根遶齊春還
近亭角舒梅暖自芳兩鬢料知隨節改百憂差喜得
身強尋詩問酒追豪勝且送殘年入醉鄉

輓龍圖待制徐公良能

少年飛聲竦白袍暮年策足上青霄功名略已追前
輩事業真堪託後凋諫草半焚烟寂寂瑣窗一夢夜
寥寥古塘原上誰行路只有哀笳引葬簫

冬日遊寶惠教寺

觀書倦棐几理策開蓬門榮糸竹溪步迤邐僧家園
雲容釀密雪烟景收殘暎人語野橋店鳥鳴桑柘村
山深古殿閣澗曲回流喧松桂不改色梅蕊亦已繁
久厭城市卑愈覺山林尊歸途偶成咏所樂非所言

喜智者華藏二禪老到寶惠寺

雲窗共盥石潭老雪屋對吟山葉紅我欲徑尋蓮社
去莫將歸日掛飛鴻

題寶輪教院壁

籬落鄰林蘆汪灣應靄烟烏鵲依野屋獨鹿度平田

孤閣高竿隔藍櫺綠柳連僧棲心象息游衍亦夤緣

城南塔院

青天寥廓地輪囷雲海蒼茫萬里春渺渺江風吹不

斷塔中人與太虛鄰

以上蘭溪縣志

題游叫巖

溪心磧石圓如磨巖腹精廬冷似冰弭楫來游衝夜

雨翛然一叟對孤僧

章泉稿

范端果

字元章蘭溪人與兄端臣同學於叔浚官太學
正著有詩集

秀野亭

高著春山最蔚藍截然屹立白雲端小亭爲愛依清
壁野色當頭指點看

侍叔登寶惠教寺山

不到茲山久寒梅又着花白煙叢古木烏鵲倚枯槎
路轉衝危石泉聲漲淺沙不堪回首處樵唱起嘔嘔

蘭溪縣志

王正功

鄞縣人字承甫舊名慎思避孝宗諱改焉紹興
二十四年以父勲應補官將仕郎授宜黃主簿

累官知莆田縣通判潮州知澧州蘄州嘉泰六年爲廣西提刑著有約齋荆澧集傳於世見攻媿集

攜家還里幕中諸友遠來餞別同遊乳洞遂爲終日之欵因成古風一章

羽穴佳名久欣慕茲遊直與心期副今朝蕭散七枝筇衰遲未覺躋攀苦湘南懸想碧雲橫桂嶺遙瞻烟靄暮招提鐘磬出幽深村疃牛羊自來去忽聞流水響潺潺漸覩巖扃隔烟霧山蹊躡履亂崎嶇翠壁題名雜新故乍暎朱墨略官箴稍覺追隨劇幽趣絕知

官裏少夷塗始信閑中無窘步人生如此信可樂誰向康莊塞歸路共醉生前有限盃澆我胸中今與古早知富貴如浮雲三歎歸田不能賦

王傅

字巖起山東蓬萊人紹興二十六年以朝請郎
提舉廣東茶鹽見繫年要錄

明福觀

泉源山下延平曠路入松闢起清爽飛雲西峙積翠臺突兀三千六百丈杏花片片鋪金壇天風吹桂香漫山遊人盡去蘿月上覺我身世非人間羅浮志

趙廬

厲有

紀遊

古端有奇勝名巖擬天星傳聞輦轂下往往極口稱
有爲背馳說曾不如邱陵請君勿誇山恐爲動者情
請君勿譽水靜必惡淙琤元酒薄滋味眾口難調羹
甲乙獨相 馬不同牛耕海上有逐臭寧云爾德馨
主人何負盜勢固爲盜憎茲山豈求全乃與人事并
言言而疑疑世態犬吠聲百聞輸一見日月中天明
我縮高要章往返萬里程凜凜民社計旦旦朱墨榮
及茲瓜戊期作意星巖行星巖有佳處丈人試靜聽

容洞似容德不禁魑魅停其中百尋泉澄撓無濁清
神龍倏兮來穩穩石榻橫忽焉風雲合霹靂行雷霆
驅逐百種怪慄慄心膽寒爲山何用高有此足以名
提携翫居士賓從盡豪英刻山與題柱悔罪付兩點
男兒須辨此誰能作蠅營

浚儀趙廳和仲以淳熙二年來守肇慶適當殫
乏後以拙直理郡事不暇給逮丁酉孟秋秩滿
府僚俸給不積軍士廩餉如期尤幸澤遠被雨
暘時若歲事豐穰口平盜弭後使君過戌月未
至始得與郡官同遊茲巖因賦詩命刻諸崖以

紀廣東通志
金石略

汪文叔

初名澄字清卿後更今名長樂人紹興二十七年進士調南雄州教授選靜江府教授通判建甯府移泉州兼南外宗正寺丞攝府事淳熙中擢提點廣南東路市舶以疾丐祠主管武夷山沖佑觀卒

西湖

桂林嘉麗冠羣城父老從來不識兵粵嶠昔雖多勝慨西湖今獨擅佳名

廣西通志山川

姚愈

字次韓常熟人紹興二十七年進士官至御史中丞

寶嚴寺

浮圖插雲表列嶂環古刹平湖渺澄波萬態天光發
我來陟層巔秀氣助毫末扁舟返明月萬頃玻璃滑

琴川

員興宗

字顯道仁壽人紹興二十七年進士以荐除教
授擢正字兼國史院編修官遷著作佐郎兼實

錄院檢討官主管台州崇道宮僑居潤州以終
著有九華集五十卷

夢邴徵君

歲庚午四月余夢明而智者謂曰子知我乎
我原也余與之言渠人有林下風氣余醉蓋
塵矣覺而思之超遠之士無所謂原者意乃
三國之秀邴徵君乎何自而夢我也昔斯人
不屈於曹公顧屈夢於我哉無迺亦有以知
我歟

我夢窮躋攀滑滑泥掩跨我自摩天嶺而轉風木謝

有客冠甚峩見之驚已作邴姓原其名風流蔑曹謝賓客復坐我豐草殊可藉英言有深吐微論亦高駕與原濶千禪待我仍管華華故管蠹及原爲三龍相友善斯人竟天游神尻不暫卸願言赴汗漫同予觀物化

詠蛤蜊

君起西南里爲予登前篇我興樂東南珍烹口同然佳哉有蛤蜊商畧依舞泉舞泉事見山谷詩馬刀形則古瓦屋蟲能天蛤蜊大名馬刀小名瓦屋入手意便韻況予謝葷瓊何必逢麴車爲君口流涎

詠江鱸

鮮鮮眼中鱠玉柱出珍把吾家天萬里識君恨不早

携來定雪兒中膏非外稿不知物何尤醉臉茲一掃

平生珠爲鄰冰盤仗幽討或言比丹粒同傳韓非老

東坡云有如江鱠所玉柱所謂韓非老子同傳也

六月初雨中渡西湖因至道人菴燒佛香略

憇靈隱與鄉僧同啜茶垂晚以歸

獵獵風欹裏垂垂雨打船最憐荷似屋不障水如天
溪頭斷續雨松下送迎僧世境不到處心融意自澄
久困塵埃夢暫隨香火緣棲鴟急殘照我亦踏歸船

距西湖五里至白塔院名藍連五六最幽絕

云

清流汨汨樹斜斜勝地金山底處家總是光明拳下
路任人擊竹笑桃花

以上見九華集

白雲洞

我有孤心寓白雲白雲到處定心親游衣蒼狗今休
問且伴研硃點易人

歸巖無定出無心過客如何議淺深只欠太湖三萬
頃吞空不見世塵侵

清風洞

晚衝白鳥幾飛迴夜度清猿一嘯哀洞闕何人獲幽

踐可須高李共登臺

萬壑深寒如潑水也復蕭蕭吹醉耳飛乘何處覓蓬萊試喚茶顛玉川子

朝霞洞

欲落未落天疎星東方作矣絳樓明人間但眩長春洞此地真如不夜城

何事杯深苦邀月端有空明供眼纈朝霞合當朝食絕勝石臏堅如鐵金石苑

楊虞仲

四川青神人紹興二十七年進士

朱言四十四
和嚴侍御柟木詩

兩蒼崖屹相應對上面虬龍插崖背青銅爲柯石爲根上有蟲書篆籀破蘚痕詰屈盤根少態度深鎖窮山烟雨暮不願作材戾萬牛驚世之文那肯露人不滿百雪滿頭一生憂患幾許愁湛輩去逐翁仲遊此樹森森春復秋杜陵筆墨光萬丈同時感不同清賞獨寄黃花九日詩雲間聲作玲琅響

巴州志

樊漢炳

丹稜人紹興二十七年進士累官左迪功郎合州赤水縣主簿主管學事後官尚書才望著聞

漢炳丹山晚進知學以來嘗於文字中敬識
先生矣試吏赤水偶逢先生經由爲龍少駐
行旌出三詩以責之漢炳不勉荒拙勉繼嚴
韻

天仙下寓人間世愛欲都忘只愛山更向馮仙問陳
跡烟蘿深處勇躋攀

此山勝處非人境長有煙雲撥不開信是天公慳絕
勝晴羲端爲使君來

披露已諧平日志開雲須信大賢能只餘天道終堪
倚不問人間愛與憎金石苑

黃維之

字叔張永春人紹興二十七年進士孝宗時除大理丞差知邵武軍居官直道而行略無阿曲嘗與朱子論學時人重之著有竹坡居士集

洛陽橋

九日溪頭携酒去萬安橋上折花歸

輿地紀勝

壽益垣丙午中元日生

天祐熙朝世產賢承平舊事並今傳萊公少避中元日潞國同生丙午年翰墨獨傳千古祕聲明倨在二公先功成野服平原去要伴靈龜莫碧蓮

載江網

王聞詩

十朋子見宋史十朋傳

宣化堂

聖主端居念遠民盡將休戚寄斯文時來宣化堂中坐應念田民正苦辛宋詩拾遺

王衛

字夷仲臨海人紹興二十七年進士厯官祕書郎正字終奉議郎主管玉隆觀見水心集

登巾子山有懷舊遊

路轉峩峩瞰古城闢干曲處眼徧明風光不與江流

斷涼意還從竹外生好事樽壘初不減舊題歲月已
塊驚會須更待天邊月醉看浮圖水面橫

題天台明巖

自古懸崖深蔽日此心圓鏡本無塵會知明暗非關
石便是叢中得道人昔號暗崖錢氏改今名天台別編

王益

崇仁人紹興二十七年進士

靈谷

靈谷神仙宅言歸肆目新山光遠如盡秋色老於人
世俗某爭劫人心海變塵功成思范蠡海上一閑身

劉穎

字公實衡州西安人紹興二十七年進士泉州

教授

西湖再開呈張經略

持節南來聳百城就分帥閩握邊兵盡令殊俗窺風采更許佳山挂姓名峴首要須刊緯績習池底事著狂生風流人物今宗主物物俱蒙不朽榮宋詩拾遺

李明

一作汝明長汀縣人貫山東濟南府字吉甫紹

興二十七年進士官連州司法參軍

遊樵嵐

禪林晝靜寶坊新
花木陰深別樣春
不是紅塵飛不到
只應無處着紅塵

邵武府志

史堯弼

字唐英眉州人紹興二十七年與弟堯夫同登第著有蓮峯集三十卷

送章孝博歸荆南

都官計用章郎中邛州人慶歷中倅延安與范雍論

西事忤雍意竄雷州文正范公抗章雪其愆乃還孝博卽其孫也

峩岷西南橫盤古含靈光有蓄不得發頓洞難卷藏

洩爲萬夫豪聯翩鬱相望緬懷嘉祐初赫赫都官郎
蓍龜抱先識虎豹披其章幕府西陲開挾策驅酋羨
暗啞竟莫吐反被按劍防青天徒昭昭萬里自投荒
直氣終凜烈身仆心難僵高乎伊周徒奏疏排未央
忠義一朝振朱鳥吞光芒還知百歲後生此雛鳳鳳
粲粲五色羽欲下虞廷翔先民重世德君子思不忘
祝君期無忝追攀軼飛揚會使坤南隅氣象還蒼茫

黃雀餉隱者文素翁其人有天文厯數之學
珍重文夫子山林日月長譚天鄒衍口痛飲伯倫鄉
晏坐看飛動相呼死稻梁黃腴風味好聊足薦君觴

以上見
達峯集

句

四歲尙少房元齡七步未饒荀子建

見浩然齋雅談

浩然齋雅談李仁甫十八歲爲眉州解魁時第二人史堯弼字唐英方十四歲人疑其文未工

也赴鹿鳴燕猶著粉紅袴太守命坐客分韻賦詩唐英得建字授筆立成有云云即席後爲張

魏公客不幸早世案仁甫生于政和四年甲午年十八歲當紹興元年辛亥則唐英登第年已四十年矣達峯集中任清全序亦云李巽嚴以

南北六朝策首送眉陽達峯在第二年甚少又雲兄弟三人兄長諱克俊歲辛酉四川類試第一人達峯下第時張魏公在潭見之留館於潭

明年試湖南漕達峯第一南軒第二又云歲丁丑是時南軒蓋年未二十也考南軒以紹興三

癸丑生辛酉年九歲丁丑年二十五歲清全

之言皆

不合

應材

字伯良永康人紹興二十七年進士授衢州敎

授累官兵部架閣文字太子春坊淳熙初參謀

荆襄軍務七年卒

見永康志

羅漢洞

石磴巍峩捉膝行行時不覺看時驚縱教良匠描難

就自是天工造化成

永康縣志

沈清臣

厲有

浣花亭

亭近城隈瞰古塘數行宮柳問羣芳沿堤草色連雲
色隔岸山光映水光竹影日篩華徑遂桂花風暢畫
橋香他年木拱垂陰合還有邦人戒翦棠廣西通志
古蹟略

宋詩紀事補遺卷四十四終 男內閣中書樹屏校